

歷史小說

玉樓花劫前編

上、下卷

上海商務印書館發行

玉樓花劫卷上

法國仲馬著

閩縣林紓同譯

侯官李世中

第一章

一千七百九十三年三月十日黃昏時我夫人教堂中鐘甫十動聲之鯨鏘大類鷺鳥困於樊中甫破樊而飛至慘厲動聽而巴黎中闐寂如暴雨將來先之以震電且嚴冷蒙以慘霧蓋今日之巴黎非復平日之巴黎矣前此巴黎萬燈交燦射諸馬路土色如耀黃金今夕則路上行人至倥傯各有所事間有耳語作欣悅狀城外則皆洪醉之人呼聲徹天間有肆毆於道者疾然斗起如萬馬之奔騰而善類皆匿無出苟出必垂其車奩如野獸之避行獵此時巴黎中爲蒙恥待亡之地矣此即一千七百九十三年初十日景象以上余所述者均京畿變故而余之小說卽出於是時法國自魯意十六爲衆所誅遂以一國之力力敵羣雄宣戰先及英人嘯嘯暨西班牙

遂挑釁於普魯士毗埃。猛意大利而內訌復起。諸國中時惟瑞埃德丹夢二國俱守局外。不與法鬭。以二國之兵方以甌脫布畧岳故。力備俄女皇嘉德海第二之侵暴。故不與聞。此時法國外權已失。卽本國之信義亦見薄於人。蓋以九月中大殺。及正月念一日敗釁後。於是法國全境遂爲全歐之棄地。嶼之如空郭焉。英兵屯於海墻。西班牙兵則踞毗海勒山。毗埃猛及粵軍壁於遏浴伯山。嚆嚆及普魯士則絕伯伊巴之北。起倭翰及於埃石角。時本國之軍尙有二十五萬。用以掙共和黨人。凡法軍中將卒咸罷。馬箕散石沂將軍。戰於埃拉沙伯洛弗利。退屯泥埃。栖錫彈栖洛及鹿伊夷二帥。勒兵入欖布。美國美項達大將。方圍馬埃石提栖。遊騎及於唐亮武。發耶錫及唐伯哀爲美兵所敗。失其軍資無算。敗兵整萬。皆棄軍歸入內地。全國無主。倚大將著苗海埃爲重。時聚議既定。遣騎告著將軍。勿留屯比哀石布。比哀石布。瀕海之地。近海將軍乘間引兵潛渡。入躡荷蘭。衆議請將軍歸墨石軍。此時名爲動物。皆惜洪都之敗。咸感觸知腹心之患。且作聯軍之意。則將取法國之革命黨。因之長圍。

廣袤。國人偶得少勝。則歡呼相慶。敗則悲梗萬狀。哀樂經月數變。其狀若此者。大似枯棋受劫。累見皆非佳徵。昨爲三月初九日。議會中大聚司兵者。竟以所部至。議會之代表者。曰唐堂。慷慨有大志。然好高言。人多弗信。而卒以成功。唐堂登檯呼曰。吾國兵力罷矣。吾輩當謀所以拯法國者。今當更募三萬衆。屬著苗海埃。匪特可全法境。並足奄有比國。躡取嚆嚨。議竟。衆皆稱可。遂立尺籍。逐村集壯士入伍。是月梨園及俱樂部。皆息立黑徽於國門。示將亡國。未及夜午。投軍者至三萬五千人。尺籍爲溢。是日部署國衆。又類九月中所爲。每村中壯士。皆請於議長。謂將興大軍。當首誅異己。所謂異己者。卽與共和黨爲仇者。且有僞爲黨人。偵取消息。以洩於外。如壯士議者。法國當大殺戮。流血幾及全境。顧異己之黨。爲勢頗弱。保皇黨則尤弱。共和黨人乃曰。與吾輩立異者。惟此爲烈。明日議員復集。教族亦戎衣挾械而前。屏婦人而聽。區官則如爲其區之代表。請議員禮重國民。國民許國敢死之人。請如議立法司。用訊黨人。而與聞者。咸以爲當。已而議定。法司立扈伯蘭澤。遂播於國衆曰。法司立。

矣。立讞員六人。有自主之權。讞定。不能授人以異同。律分奸黨。國民爲二。非國民者。咸伏法。而稟承議院風旨。如律以試。冀以安撫國衆。保皇黨聞狀。知將誅已。則亦大聚誓言。強死弗受新法之暴。共和黨則云。果非奸慝。則當以資購票於院中。始可保若首領。有律師斐火者。亦曰。必購票自保。方審新律。非嗜殺者。顧保皇黨亦如約。請曰。必得誓書。衆始甯謐。且誓書徧示各郡縣。有司勿令肆其煩刑。時議員咸面新集之士。慰勞之。令發倉。授壯士以糧。衆旣得糧。持鎗佩刀。挾彈赴院門者。已六百人。皆醉而拍手曰。吾今日得誅奸回矣。律師郭魯德阿布亞曰。壯士言然。奸回固宜殺。然可以開吾網者。亦可予以自由。律師言時。目視保皇黨。黨人亦知衆心尙屬於己。爲禍未艾。於是羅織復起。新集之士。四出邏偵。欲盡取而縲殺之。魯西之妻。居於聖倭諾海。聞變。則馳告其夫。魯西聞警。亦戎服播告其友。友皆他出。議於畢西恩家。魯西一一告其家人後。遂歸。觀共和黨之舉動消息。旣徧。畢西恩安詳如恆狀。臨窗仰天而思。引手撩髻曰。天且雨。今夕幸無事。遂於窗外聞鐘已十點。然而禍卽發。於是時

矣。在洞黑中。旣雨。路滑如膏。逐戶皆嚴閉。如幽居。且類殲滅無遺。噍者時偵探之。隊已出。然火前導。引其鎗刃。外嚮壯士多亂。服步武亦顛跛。弗整巡防之隊。則沿巷詢問。藏匿奸宄之家居。民大震而弗聞其事者。怖乃尤烈。微雨滲落。奇寒中人。欲凍保皇黨所屯集處。竟漏於稽察。移時雨復大集。壯士之氣亦漸餒。然尙矯爲厲氣。逢人輒欲殺之。已而壯士中言曰。雨盛可縱黨人勿殺。是雨赦此囚矣。是夜巴黎中人人惶恐。幾有除舊布新之象。而保皇黨亦幾於殲滅無遺。自魯意十六死後。至於今日。皇后尙幽於巨廟中。並皇子及皇后之妹。時有一婦人衣班衣。作囚服。以布裹首。出走。經聖倭諾海。將遁而出。道遇邏騎。則矗立於屋隅。無動迨騎過。始少蘇。復行。歷數險。皆幸無事。卒復遇險。則不能矗立。無言如前狀矣。此婦人及壳勒洛街時。遇羣壯士爲其所獲。羣士方醉。顛跛欲得人而殺。婦人適遇將轉入葛壳街。歛避。顧已不能脫。壯士中首領言曰。前路有女國民。義當拯之。即問曰。女士安往。婦人弗答而奔。首領曰。此大類逃人。於是羣槍爭發。令止勿遁。婦人卽立而呼曰。吾非逃人。國民軍誤。

矣。壯士曰：吾號令未出時，在法汝當見答。今安適者？曰：吾非逃歸耳。壯士曰：噫，汝歸耶？曰：然。壯士曰：若果女國民者，此時歸家亦良晚。曰：吾適省吾戚族，自彼而歸。壯士伸臂作怒狀。婦人立却。壯士曰：奴趣出名紙。曰：得此焉用。壯士曰：議院中發諭示國衆。汝弗知耶？曰：未也。壯士曰：街中大呼警。汝何言弗聞？曰：上帝諭中何言者？壯士曰：近不云上帝但云巍巍然一物耳。曰：幸恕吾過。稱上帝特舊俗然耳。壯士曰：匪特舊也。直弊俗耳。曰：壯士言然。吾當力改。今請壯士語我。院中何諭者？壯士曰：諭言十點後無官中諭。不能他出。曰：我乃無聞。壯士曰：爾赴戚族家遺之耶？曰：實未審有此。壯士曰：今且送爾於巡防局中。苟以禮意動局長，當不見辱。且能以人衛爾到家。否則留爾於署中，以人四出詢爾行狀矣。語已。壯士縱步行。婦人哀號不欲行。壯士之長知此女爲是哀呼之聲，震恐極矣。即曰：噫，吾輩今日行獵，竟得馴獸。然汝當力前，勿爲是嚶嚶者。壯士之長乃以手挾此婦人，勿令哀泣。同至自由之巡防局。方及瑟遜巨柵時，陡見一魁碩之男子，衣長帔，自十字市中來。當其至時，見少女極哀。壯士求

釋。而壯士之長。乃弗許。力引之前。然少女哀痛無倫。淚睫慘黛。令人莫忍。男子聞聲。卽自十字市躍然而出。與羣士迎面立。謂壯士之長曰。此少女何辜。見繫。壯士長曰。爾但治爾事。勿廢時。而與我事。男子曰。國民必告我。以此少女何辜者。汝何爲苦之。至是。男子語時。聲響極厲。壯士輩中咸曰。爾何人。窮詰又何爲者。男子遂力去其外。帔膊上見徽章。燦然射眼。言曰。汝當知我爲武弁。壯士輩曰。汝何司。男子曰。余爲保國之衛士。壯士中有人曰。咦。此何足驕我。我將處爾以何禮者。詎吾職應禮此衛士乎。輩中復有人曰。適此人何言。彼恃官而怒吾。不如見平民之怒。尙有姿致。男子亦曰。彼殆言此徽章示人。能使人加禮。且其人尙有利劍。足以護此徽章。言次。少退。發前襟。刀光如雪。爲路燈所映。光發動。目此劍示人。似云。曾殺敵致果者。遂引手。搥壯士長之胸。以劍置其頸。曰。今茲吾二人。且爲朋友之深談。壯士長曰。國民然則。句語時。將出其果。力與之抗。抵。男子曰。噫。余先告汝。汝輩中敢暴動。此劍立洞。若胸。時壯士中尙力挽婦人。俾勿行。男子曰。爾乍問我爲何人。汝實無其權。足以詰我。以汝非。

偵探。不足稽察行人。今我亦破格語汝。我爲慕海石蘭澤。在八月初十之役。實司礮隊。在胞與會中。主筆札。以足下觀之。頗不僂辱否。壯士長頗中憎。時刀鋒且迫近頂際。因曰。守備之國民。設爾所言確者。則爾爲愛國之人。可盡融其畛域。男子曰。我亦知寥寥數語。足合兩家之成。今汝當告我。以此少女行蹤。汝輩何以處此者。壯士長曰。吾將置之巡防局中。男子曰。何爲有此壯士長。曰。區長有諭。凡十點鐘後。無國民護照。不能披星而出。以此少女無護照。故挾之行。且足下不見國勢已岌岌。黑旗颭於風中。此何警耶。男子曰。黑旗之颭。正以吾國中。尚有二十餘萬奴隸之賤種。廢亂吾法。故以此備之。非爲此區區一少女犯夜而設。今夕勿論其他。果區長有諭。則汝輩可云守法。設果質直相告。胡至駁詰如是。天下同爲愛國之人。相見固宜有禮。不應遽加凌詆。矧身爲官長。經國民僉舉如鄙人者。在禮宜少假借。今此少女聽爾提挈自行。婦人竟前引男子之臂。曰。國民悲慘之容。則令人欲醉。且曰。君子奈何以此醉人之言。遽舍我投諸虎吻。男子愀然曰。勿憂爾。但將吾臂。吾將送爾至於局中。婦

人曰。蒞局何爲。且兒非噬人之人。胡捉將官裏。慕海石曰。人之寘汝於局中。初非有罪。人亦未嘗以罪加爾。以區中有諭言無護照。不能夜行。汝惟無護照之故。故瑣瑣至是。婦人曰。區中諭兒乃未之前聞。慕海石曰。汝但蒞區。彼中必有長者。當持平爲若判決。婦人則堅把慕海石之臂曰。兒不慮辱而患死。果至彼間。吾命已矣。

第二章

方婦人語時。莊麗溫肅。大家風度。盎然見於言表。而悲婉之聲。直貫慕海石胸際。慕海石軀幹震震如觸電機。復迴壯士隊中。而壯士輩方怨艾以衆凌寡爲非禮。今乃言和得少。蓋其愆自計。隊中八人。挾槍者三人。挾手槍三人。竟凌軋一獨行之人。於義無當。矧此慕海石。僅佩一劍。設與對敵。爲辱已甚。此時婦人知此八壯士者。與慕海石言和。身且無幸。垂首至臆。悵然不言。慕海石則攢眉掀脣。無計自逞。引刀出鞘。氣概凜凜。此時實決二策。一則義宜保衛此女。一則盡國民之分。守法而禁此女。忽見傍恩峯街上。刀光燦然。且聞革鞞聲。則巡防隊也。遙見是間。有人屯聚。疾馳而至。

隊長呼曰。何人於夜午時。集此作私議。慕海石曰。吾友汝前。其羅漢乎。隊長果疾前。及於八人之次。言曰。慕海石。若呼我也。蕩子夜深。奈何弗歸。慕海石曰。汝乃弗知我。出自胞與會中。耶羅漢曰。知之。汝出諸胞與會中。乃入諸胭脂隊裏矣。因信口作歌。嘲婦人曰。麗人胡爲夜深行兮。伸其素手。玉色瑩兮。以手啟關。致將迎兮。幽暉射影。描雲屏兮。歌已。言曰。非如是耶。慕海石曰。汝誤矣。余出此後。方圖甯家。見少女羈於兵中。余思以力出其人。問是中壯士。胡爲引此少女。羅漢曰。我固知其如是也。復歌曰。俠客豪美人。騷情俠原。吾曹歌已。遂入八士隊中。問曰。國民胡爲引此美人。壯士長曰。吾已告之慕海石。以無護照之故。引之告區長。羅漢斥曰。咦。咦。是何罪者。壯士長曰。汝乃不審區長有言。禁犯夜者耶。羅漢作鄙夷語曰。良然良然。然尙有一諭。足以免此。凡在邦德及巴納斯上。此希臘山本爲名士美人冶遊之地。縱其所行。無待護照。語已。復曰。此間安得行法。行法不幾敗美人雅趣耶。壯士長曰。然惟鄙人觀之。似非良法。且此地非邦德及巴納斯時。尤非日中。此女復非美麗。羅漢曰。吾意直與君反。

試觀此女國民者。因呼婦人曰。女國民。汝當去面簪。示我。令彼衆觀之。果美麗者。則可以立踐吾之前語。汝脫扁矣。婦人倚慕海石身際曰。將軍旣衛我於八壯士中。今更當衛我於君友之前。時壯士長言曰。彼方深掩其醜。以吾意度。是必貴族之女。偵探名曰賤婦。又或流娼婦。人聞言大怒。側身出慕海石身外。呼曰。國民視我衆觀之。容光煥發。國色也。爲路燈之光。所射。令人色授而魂與。婦人復請慕海石曰。將軍觀我。果如彼人所言否。慕海石靈魂喪失。蓋在生平夢囈中所見之美人。均不如此時。神光離合中之所見者。外史氏謂慕海石之言誠也。婦人下啟其羈。旋復合之。故慕海石魂魄竟爲勾攝而去。慕海石微語羅漢曰。汝將此婦人去。蓋爾爲巡防之長。在律可以勾人。羅漢曰。可但聞若半語。已審其全。因謂婦人曰。美人可從吾行。汝以玉容爲證。可以無罪。從吾行。且得善地。不汝苦也。壯士長曰。何由必汝得之。羅漢曰。吾將之至吾總區中。則吾輩之所司。位置此婦人後。更詢其家族。八壯士咸曰。不可。不可。此玉人當屬我。羅漢曰。國民吾將怒矣。壯士長曰。汝之怒否。固無涉我。吾爲共和。

國中最精之兵。汝職特司巡防。而吾血則將灑之敵中。羅漢曰。國民當擇其灑血之所。勿輕擲於此間。汝更無禮者。洒血之期。且立至。八壯士咸呼曰。禮儀者。貴族之節。奏也。若吾急裝縛袴之人。則爲共和黨。又焉知此。羅漢曰。勿卽婦人之前。作絮語。此婦人或爲英產。復問婦人曰。汝勿怒其妄。吾甚惜汝。夜鶯也。卽爲歌曰。英倫之鶴。何翩翩兮。巢諸廣島。嘯蒼煙兮。壯士長曰。汝乃盛稱英國。則奸徒耳。卽爲辟德之黨人。爲英人之奴隸。羅漢曰。吾友須靜寂。乃不知吾所以屢爲歌詩耶。吾軍爲衛國之軍。鄙人尤善。推愛其同類。亦足云巴黎之頑童。設有人執吾耳者。卽起與鬪。不讓尺寸。慕海石乃謂婦人曰。汝試觀衝突如是。此事胡能遽了。不五秒後。吾輩中二十人。且格鬪。直爲爾一人之故耳。行且流血於衢中。不亦慘耶。婦人引慕海石之手。言曰。吾今但有一言。將軍若聽我。見仇於彼黨。匪惟吾身糜爛。禍且及於他人。毋甯將軍以刃割我。拋吾尸於西洛之河。於願足矣。慕海石曰。可。汝百事依我行耳。慕海石乃釋此婦人之手。謂羅漢所領隊曰。國民須知我爲愛國之人。亦是中官府。命汝保此無。

告之婦人。於義當也。復謂羅漢曰。彼賤種之民。非窮治之不可。羅漢發令曰。衆備戰。婦人呼曰。天乎。遂以布羃其面。以身負牆立曰。上帝宜佑是人。勿敗於敵。而壯士八人中。忽發槍。彈子直貫慕海石冠上而過。羅漢張吻作鼓聲。遂曰。衆交槍。時洞黑中。槍聲互發。雜以罵詈之聲。顧乃無人赴援。以此時。情狀大類。去年之九月。居人咸知。將大殺人。故亦隱而弗出。間有人啟窗外覷。尋亦閉之。壯士八人。軍火旣竄。技亦弗良。移時已遯。中有二人。負巨傷。尙有四人。荷槍引身負牆如芻靈。羅漢指此四人曰。吾甚願汝輩。馴如羔羊。復曰。國民慕海石。爾引此玉人。至余巡防局中。一當如爾之願。慕海石曰。諾。惟爾局中口號何若。羅漢曰。噫。吾口號者。語至此止。慕海石曰。爾勿患。吾必不負爾。羅漢久乃曰。吾亦信爾。苟授爾以口號者。爾當慎重行之。爲責甚重。慕海石曰。請言其狀。羅漢曰。今且先遣此數人。後乃告汝。且吾並有要言當奉白者。卽亦無惜。吾愚直。慕海石曰。請以待君。羅漢乃入隊中。時羅漢之軍。尙欲進而挫敵。羅漢謂此八壯士曰。汝鬪足耶。壯士之長言曰。爾保皇黨之瘦狗。今尙何言。羅漢從

容言曰。吾友誤矣。吾實爲共和黨。較汝爲良。吾實出諸德英卑洛會中。會中人以愛國爲宗尙。初無仇我之人。爾今可挾此國民而去。弗更囁囁。壯士長曰。此婦人良足疑。忽有一人曰。果其人爲保皇黨者。則吾黨鬪鬪時。宜乘間而奔。胡尙久留於此。羅漢曰。此人言良確。且吾友行之巡防局中。後當知其底蘊。今且同往小飲。爲國家壽。不可耶。壯士亦曰。可。羅漢曰。吾渴甚。趣行。今有美釀之肆。在多馬石著盧騷街。壯士長曰。國民爾胡不夙言。今茲甚悔不信爾言。乃至訟鬪。旣解釋。在法當爲祖國之故。互相親吻爲禮。於是果互親。蓋此時法國之人。視飲酒等於殺人之樂。時二隊之人遂合同赴多馬石著盧騷之街。受創者則不能步。呼曰。我將奈何。爾輩竟棄我於此耶。羅漢曰。良然。天下勇者爲祖國之故。自誅其國民。竟爾見敗在義宜棄爾。今且僵臥於此。自有後人來收爾骨。爾今且歌馬賽哀石之曲。用以自慰。羅漢亦作歌以慰其羣。曰。行哉祖國兒。立勳今其時。遂行行次。復少就慕海石言。慕海石方挾美人却立葛壳街次。而餘衆則交臂向自由巡防局街而去。羅漢謂慕海石曰。吾不言教爾。

以事乎。今爾且縱此婦人。聽自行。可從我飲酒。須知爾之衛此玉人。固風流之韻事。而我意則滋覺其險。此婦人疑竇至多。似此絕代之姝。胡夜深獨行於衢次。婦人曰。公乃不相度吾狀耶。羅漢曰。女國民誤矣。胡爲尊我以公。但呼我國民足矣。婦人亦改稱曰。國民。汝言當也。今請國民竟朋友之志。羅漢曰。所志云何。婦人曰。彼意願送余至家。且沿道衛我。羅漢呼曰。慕海石。慕海石。汝行此者。行且得禍。慕海石曰。吾審之。苟非力護此人。跬步間皆荆棘也。婦人亦曰。勿論彼此。但仗義俠。則吾生或有可冀。羅漢曰。爾不聞此婦人言乎。苟非履險。何爲待救於人。慕海石曰。羅漢固有卓見。吾不審此婦爲女國民也。抑或貴族。果貴族者。則吾護之固過。果爲國民。則護之正爲吾分。羅漢曰。良友恕我。吾言良過。爾果爲亞海石突德一流人者。則我必不予汝。以此也。古賢今爾腦力絕鈍。易爲人愚。且汝之爲人。大類古人之詩云。天女陷人於辜。兮而又勵勉而求全其譽。慕海石聞歌。慨然曰。事急矣。今但問羅漢能否予我以口號。羅漢曰。慕海石。乃欲令若友貢其義分。正恐吾友喪此義分之中。且吾滋懼盡吾。

義分授爾。適足以害爾。慕海石曰：勿論吉凶，自有天在。請吾友爲我決其去留。羅漢曰：若不安用吾口號耶？慕海石曰：必踐故人之言。羅漢曰：此甯足信在？法宜誓。慕海石曰：誓於何所？羅漢曰：隨地均足爲壇。羅漢乃脫冠，移其冠飾向慕海石。慕海石肅然長跪立誓。羅漢曰：可爾。吾口號應答曰：某某字。至羅馬教人問爾者，則以某某字相酬答可也。慕海石曰：女國民。吾今仗羅漢之大力，能衛汝矣。羅漢則累點其首，言曰：汝行珍重。遂高歌曰：挨勒倭娜，何亭亭兮！飛鳥依人，殊惺惺兮！前怔忡而後夷猶兮，卵而翼而復何有兮！

第三章

羅漢旣行，慕海石蕭然從此婦人行。然亦時時生其畏懼，顧乃爲其盛美所炫，如受吸力，竟默然隨之而去。自念身爲國民，義不應爾，殆此臂一爲玉人所引，旋復忘之。卽曰：女國民安適者？婦人曰：遠矣。慕海石曰：家究安在？婦人曰：在公園之次。慕海石曰：趣行。婦人曰：天主鑒之。兒以淺淺之質，使英雄進退維谷，但如是冒險遠出，尙幸。